

Studegiar, s'engaschar e candidar per il cussegl naziunal

In student da politologia sursilvan en la ps bernaisa

■ (anr/vi) **Clau Dermont candidescha quest atun en il chantun Berna per il cussegl naziunal. El s'engascha era per il moviment da students.** «Là nua ch'jau sun, avrel jau ils eglis e m'engasch.» Quai di il student sursilvan duas giadas durant il discurs cun l'anr ed igl è tipic per el. Suentar la scola primara a Rueun ha Clau visità la scola chantunala a Cuir. Sco giuven gimnasiast ha el immediat cumenzà a s'engaschar ed ha mess en pe ina organisaziun da scolars. Gia cun 14 onns è el daventà commember dals Giuven socialistis (Juso) – la partida era gist fundada e plain schlantsch entras giuven rumantschs sco *Jon Pult*, Dermont ed auters.

L'emprendissadi politic

Otg onns è el s'engaschà en la Juso grischuna. Il pli grond success han ils giuven



Clau Dermont s'engascha per ils students ed ha blier da far, pertge la regenza bernaisa vul spargnar sin donn e cust da las universitads.

FOTO C. CADRUVI

da classa – independent sch'els hajan il pass cotschen u betg.

Il schaner 2012 quinta Dermont savair far il bachelor e suenter less el probabel far il master cun sa spezialisar sin politica svizra u sin politica cumpertativa.

«Pli baud fiss jau forsa stà in liberal»

Quest atun candidescha Dermont era per il cussegl naziunal. El è sin plaz quatter (da 26 plazs) da la glista da la Juso bernaisa. La finamira è da recaltgar vuschs per la ps.

«Jau hai ina relaziun pragmatica cun la ps. Igl è la suletta partida che correspunda a mia persuasiun», conceda Dermont. Ma i dettia era dischavantatgs. La ps da Berna haja blers vegls che fetschian ina politica lungurusa. I duvrass dapli politichers cun curaschi che fissan era mintgatant «frechs».

Era da la ps svizra è Dermont per part trumpà perquai ch'ella ha sustegnì la cuntraproposta tar l'iniziativa da repatriament. Ma i na dettia da preschent nagina alternativa tar la ps. Avant trent'onns fiss el forsa anc i tar ils liberals, sco a sias uras ses tat. Ma oz na preschentia la pld betg pli finamiras liberalas ed ideas progressivas per la societad.

Spargnar tar las universitads

Normalmain fiss ins occupà gia detgavunda cun in studi ed ina vita politica activa. Ma Dermont s'engascha anc sin in auter champ. El sesa en plirs gremis d'organisaziuns da students – a Berna e sin nivel naziunal. Questa primavaira è el perfin stà in da quatter delegads svizzers ch'èn ids a Tallinn en l'Estonia a l'inscunter europeic da students.

Ils students bernais èn organisads il pli bain en Svizra. Els han in parlament, ina suprastanza ed in budget annual da 700 000 francs.

Uschia vegnan els da finanzia in'administraziun cun quatter plazzas e plirs students lavuran parzialmain per l'organisaziun.

Ina finamira saja d'obtegnair in sez en ils gremis impurtants da las universitads, di Dermont. Quai lessan ils students era cuntanscher en l'uschenumà «Hochschulrat». Las chombras federalas tractan da preschent la lescha da las scolas autas. Las organisaziuns da students emprovan da sensibilisar ils parlamentaris per lur finamiras e Dermont ha observà l'emna passada la debatta davart questa lescha giu da la tribuna da visitaders en chasa federala.

E quest'emna ha la regenza da Berna gist dà enconuscent da vulair spargnar 277 milliuns ad onn – per part sin donn e cust da las universitads e dals students. I spetga blera lavur sin il giuven politicher da Rueun.

Iniziativa da stipendis

Da preschent rimna l'organisaziun svizra da students sottascripziuns per l'iniziativa da stipendis. *Clau Dermont* è en il comité.

L'iniziativa vul ina armonisaziun, pertge ils stipendis varieschan fitg d'in chantun a l'auter. Tenor indicaziuns sin la pagina d'internet da l'iniziativa retiran a Turitg 0,3 pertschient da la populaziun en media 3800 francs per semester, a Neuchâtel survegnan 1 pertschient en media 1200 francs. Il Giura impunda 87 francs stipendis pro abitant, Schaffusa mo 17 francs.

gì cun l'iniziativa d'etica, per la quala Dermont è sa mess en ils stadals. Entras il squitsch da l'iniziativa ha il cussegl grond formulà ina cuntraproposta ch'è la finala vegnida acceptada il 2009 dal pievel.

Per Dermont ha quai muntà in success ed è stà in imprendissadi politic. «I ha dà blera lavur. Ma nus giuven avain emprendì co ch'ìls mecanissem politics funcziunan ed ins ha cumenzà a prender serius la Juso. Nus avain mussà che nus savain far politica e betg mo canera.»

Suentar il gimnasi ha Dermont fatg in practicum d'in mez onn sco schurnalista tar La Quotidiana ed è suenter stà intgins mais a Canada per emprender englais avant che cumenzar il studi da politologia a Berna.

Sco en ina fabrica da giaglinas

L'emprim onn saja el sa sentì sco en ina fabrica da giaglinas. 500 students hajan mintgamai visità las prelecziuns – ils politologs ensemen cun ils students da «business». Suentar quest onn da seleziun saja il studi daventà interessant. Cuzunt sia lavur da bachelor haja fascinà el.

El haja intervistà diesch esters ed analisà tge effect che l'iniziativa da repatriament (Ausschaffungsinitiative) haja gi sin lur relaziun cun la Svizra e sia gliעד. I saja stà interessant da vegnir in contact cun asilants, students da l'ester u persuas che n'han anc mai gi da far cun politica. Ils esters hajan era raquintà da lur vita avant ch'els sajan vegnids en Svizra. Bliers sa sentian qua sco gliעד da segun-

Curt e bun

Naschi: ils 31 da december 1988
Creschi si: a Rueun
Abitescha: a Berna
Colur preferida: cotschen
Musica: Bon Iver
Sport: ir cun velo, cun skis, vian-dar
Spaisa preferida: lasagne da la mamma
Bavronda: te da glatsch, vin
Hobis: politica, couch surfing